



**ՀՀ Ֆինանսների նախարար**  
**Ատոմ Ջանջուղազյանին**  
**Պատճենը՝ «Թրանսփարենսի Ինթերնեյշնլ»**  
**հակակոռուպցիոն կենտրոնի գործադիր**  
**տնօրեն Սոնա Այվազյանին**

**Հարգելի պարոն Ջանջուղազյան,**

2019թ.-ի դեկտեմբերի 6-ին Դաբլ Թրի Բայ Հիլթոն հյուրանոցում տեղի ունեցավ «Հայաստանի Հանրապետության պետական բյուջեից իրավաբանական անձանց դրամաշնորհների հատկացման կարգ»-ի նախագծի վերաբերյալ հանրային քննարկումը, որը կազմակերպվել էր «Թրանսփարենսի Ինթերնեյշնլ հակակոռուպցիոն կենտրոն» հասարակական կազմակերպության (ԹԻՀԿ) կողմից, որը մշակել է «Հայաստանի Հանրապետության պետական բյուջեից իրավաբանական անձանց դրամաշնորհների հատկացման կարգ»-ի նախագիծ՝ ներկայացնելու ՀՀ կառավարությանը:

Հանրային քննարկման ընթացքում «Նոր Սերունդ» Մարդասիրական ՀԿ նախագահ Սերգեյ Գաբրիելյանը ներկայացրեց իր դիտարկումները նախագծի վերաբերյալ:

Ստորև ներկայացնում ենք նախագծի վերաբերյալ դիտարկումները գրավոր տարբերակով.

1. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի դրամաշնորհների հատկացման սկզբունքների 5-րդ հոդվածի 1-ին կետով սահմանվում է.

- Նպատակային ուղղվածություն. Պետական ֆինանսավորումը պետք է ունենա հստակ սահմանված նպատակներ և առաջնահերթություններ՝ կառավարության քաղաքականության և քաղաքացիների կարիքներին համապատասխան:

Սույն հոդվածի հետ կապված հաշվի առնելով նաև, այն հանգամանքը, որ պետական ֆինանսավորումը տրամադրվում է ելնելով տվյալ տարվա ռազմավարությունից, առաջարկում ենք կատարել հետևյալ լրացումը.

- Նպատակային ուղղվածություն. Պետական ֆինանսավորումը պետք է ունենա հստակ սահմանված նպատակներ և առաջնահերթություններ՝ կառավարության քաղաքականության և քաղաքացիների կարիքներին և **ՀՀ ռազմավարությանը համապատասխան:**

Հայաստան, ք. Երևան

Դեկտեմբերի 19, 2019թ. NG-02-443-1912



ՆՈՐ ՍԵՐՈՆՆԵՂ  
NEW GENERATION

2. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցութային հանձնաժողովների կազմավորման կարգի 6-րդ հոդվածով սահմանվում է.

- Դրամաշնորհի չափը սահմանվում է բյուջեով: Բյուջեի հաստատումից հետո համապատասխան պետական մարմնի ղեկավարը կազմավորում է տվյալ դրամաշնորհի հատկացման նպատակով անցկացվելիք մրցույթի՝ **առնվազն 5 անդամից** բաղկացած մրցութային հանձնաժողով (այսուհետ՝ հանձնաժողով), որի մեջ մտնում են մրցույթ հայտարարած գերատեսչության մեկ ներկայացուցիչ, ՀՀ կառավարության, **Ազգային Ժողովի** և դրամաշնորհատու տեղական կամ միջազգային կազմակերպություններից մեկական ներկայացուցիչ, ինչպես նաև անկախ փորձագետներ՝ ըստ համաձայնության: Անկախ փորձագետ կարող են հանդես գալ նաև քաղաքացիական հասարակության կառույցների համապատասխան ներկայացուցիչները:

Սույն հոդվածը առաջարկում ենք վերաձևակերպել հետևյալ կերպ.

- Դրամաշնորհի չափը սահմանվում է բյուջեով: Բյուջեի հաստատումից հետո համապատասխան պետական մարմնի ղեկավարը կազմավորում է տվյալ դրամաշնորհի հատկացման նպատակով անցկացվելիք մրցույթի՝ **առնվազն 5 և առավելագույնը 9 անդամից** բաղկացած մրցութային հանձնաժողով (այսուհետ՝ հանձնաժողով), որի մեջ մտնում են մրցույթ հայտարարած գերատեսչության մեկ ներկայացուցիչ, ՀՀ կառավարության, **ՀՀ Ազգային Ժողովի** և դրամաշնորհատու տեղական կամ միջազգային կազմակերպություններից մեկական ներկայացուցիչ, ...

3. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցութային հանձնաժողովների կազմավորման կարգի 9-րդ հոդվածով սահմանվում է.

- Փորձագետների շտեմարանում ներառվելու համար դիմում ներկայացնելիս՝ փորձագետը պարտավորվում է տրամադրել գործող կոնտակտային տվյալներ, հավաստի և թարմ տեղեկատվություն իր մասին և նշել միայն այն ոլորտները, որոնց վերաբերյալ նա ունի բավարար փորձագիտական պատրաստվածություն, որը հստակ հիմնավորումներով պետք է արտահայտվի իր ինքնակենսագրական փաստաթղթում (համապատասխան աշխատանքային փորձ, կրթություն, ոլորտում իրականացված ծրագրեր, մասնակցություն ոլորտային դասընթացների, սեմինարների և այլ միջոցառումների, հրատարակված աշխատանքներ և այլն):





Սույն հոդվածի հետ կապված առաջարկում ենք կատարել հետևյալ լրացումը .

- ... ներկայացնել երաշխավորող նամակ այն դրամաշնորհատու կազմակերպությունից ում հետ վերջին մեկ տարվա ընթացքում աշխատել է փորձագետը և/կամ երաշխավորող նամակ ռեգիստրում գրանցված առնվազն երկու փորձագետից:

4. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցութային հանձնաժողովների կազմավորման կարգի 11-րդ հոդվածով սահմանվում է.

- Փորձագետին տվյալ գնահատման հանձնաժողովում նշանակելու առաջին պայմանը ծրագրի թեմատիկ ծածկույթի և տվյալ փորձագետի փորձագիտական ոլորտների համապատասխանությունն է: Եթե կան մի քանի փորձագետներ, ովքեր իրենց ոլորտներով համապատասխանում են տվյալ ծրագրին, ապա փորձագետների նշանակման ժամանակ նախապատվությունը տրվում է այն փորձագետներին, ովքեր իրենց փորձառությամբ առավելապես համապատասխանում են տվյալ ծրագրին, կամ առ այդ պահը համեմատաբար փոքր թվով ծրագրեր են գնահատել:

Սույն հոդվածի հետ կապված առաջարկում ենք.

- Նշել այն մարմինն ով որոշելու է փորձագետի համապատասխանության հարցը:
- Ինչպես նաև համապատասխանության մասով ընտրության երկու հնարավորություն է տրվում կամ տվյալ ծրագրին համապատասխանությունը կամ համեմատաբար փոքր թվով ծրագրեր գնահատելը, որը մեր կարծիքով խտրականություն է և պետք է հստակեցնել:

5. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցութային հանձնաժողովների կազմավորման կարգի 12-րդ հոդվածով սահմանվում է.

- Հանձնաժողովի կազմում (համաձայնությամբ) ընդգրկվելուց հետո փորձագետը ծառայությունների մատուցման մասին պայմանագիր է ստորագրում մրցույթը հայտարարած պետական մարմնի հետ, որի հիման վրա կատարվում են նրա փորձագիտական աշխատանքի դիմաց վճարումները...

Սույն հոդվածի առթիվ առաջարկում ենք կատարել հետևյալ լրացումը.



- Հանձնաժողովի կազմում (համաձայնությամբ) ընդգրկվելուց հետո փորձագետը ծառայությունների մատուցման մասին պայմանագիր և **շահերի բախման թերթիկ է ստորագրում** մրցույթը հայտարարած պետական մարմնի հետ, որի հիման վրա կատարվում են նրա փորձագիտական աշխատանքի դիմաց վճարումները:

6. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթային հանձնաժողովի գործունեության 16-րդ հոդվածով սահմանվում է.

- Հանձնաժողովի անդամները պարտավորվում են հրաժարվել իրենց փորձագիտական գնահատման տրված այն ծրագրերից, որոնց ներկայացնող կազմակերպության հետ իրենք կամ իրենց *ընտանիքի անդամներն* ունեն կամ ունեցել են ուղղակի կապ (որպես հիմնադիր, անդամ կամ աշխատակազմի անդամ)...

**Վերոգրյալի առթիվ առաջարկում ենք հստակ թվարկել ընտանիքի անդամներին:**

7. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթային հանձնաժողովի գործունեության 20-րդ հոդվածի է) ենթակետով սահմանվում է.

- իրականացնում է իրեն վերապահված այլ լիազորություններ:

Սույն հոդվածի մասով առաջարկում ենք կատարել լրացում.

- իրականացնում է իրեն **գրավոր կերպով** վերապահված այլ լիազորություններ:

8. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի մասին հայտարարությունը և մրցույթի հրավերի 26-րդ հոդվածով սահմանվում է.

- Մասնակիցը կարող է հանձնաժողովից պահանջել մրցույթի հրավերի պարզաբանում՝ մրցույթի մասին հայտարարության հրապարակման պահից **5 աշխատանքային օրվա ընթացքում**: Քարտուղարի կողմից պարզաբանումը տրամադրվում է հարցումը ստանալու մասին գրությունը պետական մարմնում մուտքագրվելու օրվանից **5 աշխատանքային օրվա ընթացքում**. Հարցը և պարզաբանումը ենթակա են հրապարակման միասնական պաշտոնական կայքում, որտեղ չեն նշվում պարզաբանումը պահանջող մասնակցի տվյալները:

Հայաստան, ք. Երևան

Դեկտեմբերի 19, 2019թ.

NG-02-443-1912



**ՆՈՐ ՍԵՐՈՒՆՆԵՐ**  
**NEW GENERATION**

Սույն հոդվածի մասով առաջարկում ենք վերաձևակերպել հետևյալ կերպ.

- Մասնակիցը կարող է հանձնաժողովից պահանջել մրցույթի հրավերի պարզաբանում՝ մրցույթի մասին հայտարարության հրապարակման պահից **5 աշխատանքային օրվա ընթացքում**: Քարտուղարի կողմից պարզաբանումը տրամադրվում է հարցումը ստանալու մասին գրությունը պետական մարմնում մուտքագրվելուց հետո **«Տեղեկատվության ազատության մասին» ՀՀ օրենքով սահմանված կարգով և ժամկետներում**: Հարցը և պարզաբանումը ենթակա են հրապարակման միասնական պաշտոնական կայքում, որտեղ չեն նշվում պարզաբանումը պահանջող մասնակցի տվյալները:

9. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի հայտերին ներկայացվող պահանջների 30-րդ հոդվածով սահմանվում է.

- Սահմանված կարգի պահանջներին ոչ համապատասխան ներկայացված հայտերը, ինչպես նաև հայտեր ներկայացնելու ժամկետը լրանալուց հետո տրված հայտերը *մերժվում են*:

Սույն հոդվածի առթիվ, քանի որ չեն սահմանվում թե նմանատիպ հայտերը որ փուլում են մերժվում, առաջարկում ենք հստակ նշել թե որ փուլում են վերոնշյալ հայտերը մերժվում:

10. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի հայտերին ներկայացվող պահանջների 31-րդ հոդվածով սահմանվում է.

- Մասնակիցը չի կարող նույն մրցույթին ներկայացնել մեկից ավելի հայտ: Մասնակիցը մինչև հայտերը ներկայացնելու վերջնական ժամկետի ավարտն ունի հայտը փոխելու կամ հայտից հրաժարվելու իրավունք:

Սույն հոդվածի մասով առաջարկում ենք

- Կատարել նշում այն մասին թե արդյոք մասնակիցը կարող է մեկ այլ հայտում որպես գործընկեր հանդես գալ թե ոչ:
- Ավելացնել հայտում փոփոխություն կատարելու կարգի մասին տեղեկատվություն,



11. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթային մրցույթի հայտերին ներկայացվող պահանջների 32-րդ հոդվածով սահմանվում է.

- Հայտի բովանդակությունը պետք է պարունակի հետևյալ կետերը՝

- 1) Ծրագրի իրականացման անհրաժեշտության հիմնավորում, ներառյալ շահառու խմբերի կարիքները,
- 2) Ծրագրի նպատակը և խնդիրները,
- 3) Ծրագրի գործողությունները՝ ներառյալ ժամկետներ, չափելի ցուցանիշներ,
- 4) Ակնկալվող արդյունքները,
- 5) Ծրագրի կայունությունը և շարունակելիությունը,
- 6) Ծրագրի տեսանելիության մեխանիզմները,
- 7) Ծրագրի շահառուների նկարագիրը,
- 8) Ծրագրի թիմի նկարագիրը, պարտականությունների բաշխումը,
- 9) Կազմակերպության մասին համառոտ տեղեկատվություն՝ ներառյալ կանոնադրական նպատակներն և խնդիրները, փորձառությունը,
- 10) Կազմակերպության կողմից վերջին երեք տարում ստացված գումարները և ֆինանսավորման աղբյուրները, ֆինանսավորող կազմակերպությունում պատասխանատու պաշտոնյաների կոնտակտային տվյալները,
- 11) Ծրագրի բյուջե, ներառյալ ակնկալվող ֆինանսական և ոչ ֆինանսական ներդրումը կազմակերպության միջոցներից կամ այլ աղբյուրներից,

Հայտին կից ներկայացվում է կազմակերպության գրանցման վկայականի պատճենը, ծրագրի հիմնական աշխատակազմի ինքնակենսագրականները:

Սույն հոդվածի մասով, կարծում ենք, որ անհրաժեշտ է դնել հստակ սահմանաչափեր տեղեկատվության տրամադրման հետ կապված և առաջարկում ենք կատարել հետևյալ լրացումները.

1. Գործադիր ամփոփում՝ Ծրագրի իրականացման անհրաժեշտության հիմնավորում, ներառյալ շահառու խմբերի կարիքները, և ընդհանուր բյուջեն /կես էջի սահմաններում/
2. Կարիքի ձևակերպում /առնվազն մեկ էջ/
3. Ծրագրի նպատակը և խնդիրները, /երկու էջ/
4. Ծրագրի գործողությունները՝ ներառյալ ժամկետներ, չափելի ցուցանիշներ,
5. Ակնկալվող արդյունքները, /մեկ էջ/
6. Ծրագրի կայունությունը և շարունակելիությունը,
7. Ծրագրի տեսանելիության մեխանիզմները,



8. Մրագրի շահառուների և թիրախ խմբի նկարագիրը,

10. Ներկայացնել կազմակերպության առաջին էջի և այն էջերի պատճենները, որտեղ առկա է տեղեկատվություն կազմակերպության գրանցման, անվանման, նպատակների ու խնդիրների մասին:

...

12. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի հայտերի ուսումնասիրությունը և գնահատման կարգի 38-րդ հոդվածով սահմանվում է.

- Հանձնաժողովի անդամները գնահատման արդյունքներն ուղարկում են քարտուղարին՝ նիստից առնվազն *մեկ օր առաջ*, որն ամփոփում է հանձնաժողովի անդամների կողմից գնահատված ծրագրերի փաթեթները, հաշվարկում յուրաքանչյուր հայտի միջին միավորները: Յուրաքանչյուր հայտի միջին գնահատականների հաշվարկից հետո նիստին քննարկման են ներկայացվում այն հայտերը, որոնց ստացած միջին գնահատականը բարձր է անցումային շեմից: *Անցումային շեմը սահմանվում է հանձնաժողովի կողմից՝ նիստի սկզբում*: Անցումային շեմը որևէ մասնակցի կողմից չհաղթահարվելու դեպքում՝ մրցույթային հանձնաժողովը չի ընտրում հաղթող կազմակերպություն:

Սույն հոդվածի առթիվ առաջարկում ենք հետևյալը.

- Հանձնաժողովի անդամների կողմից գնահատման արդյունքների ուղարկման համար նախատեսված ժամկետը փոփոխել՝ ավելացնել:
- Անցումային շեմը ամրագրել ի սկզբանե, որը կլինի մշտական՝ օրինակ 0-5 բալ:

13. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի արդյունքների կարգի 39-րդ հոդվածով սահմանվում է.

- Մրցույթի արդյունքներն ամփոփվում են հանձնաժողովի ամփոփիչ նիստում՝ հանձնաժողովի անդամների կողմից լրացված գնահատման ձևի հիման վրա: Ամփոփիչ նիստում՝ քննարկումների արդյունքում հանձնաժողովի անդամները կարող են փոփոխության ենթարկել իրենց կողմից գնահատման ձևում լրացրած միավորները



Սույն կետի հետ կապված, հաշվի առնելով այն, որ անկախ փորձագետ կարող են հանդես գալ նաև քաղաքացիական հասարակության կառույցների համապատասխան ներկայացուցիչները, որը կարող է կոռուպցիոն ռիսկեր ստեղծել, առաջարկում ենք փորձագետներին տարանջատել հանձնաժողովի անդամներից:

14. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի արդյունքների 41-րդ հոդվածով սահմանվում է.

- Հայտերի ընտրության վերաբերյալ վերջնական որոշումը իրականացվում է քվեարկությամբ: Հանձնաժողովի յուրաքանչյուր անդամ ունի մեկ ձայնի իրավունք, քվեարկում է կողմ, դեմ կամ ձեռնպահ: Ձայների հավասարության դեպքում հանձնաժողովի նախագահի, իսկ նրա բացակայության դեպքում հանձնաժողովի նախագահողի ձայնը վճռորոշ է:

Վերոգրյալի առթիվ առաջարկում ենք հստակ նշում կատարել այն մասին թե նախագահի բացակայության դեպքում ում ձայնն է վճռորոշ լինելու, ով է փոխահինելու նախագահողին:

15. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի արդյունքների 43-րդ հոդվածի գ) ենթակետով սահմանվում է.

- գ) ներկայացվել է *երեքից պակաս հայտ*: Այս դեպքում կազմակերպվում է կրկնակի մրցույթ: Կրկնակի կազմակերպվող մրցույթին երեքից պակաս հայտ ստանալու դեպքում մրցույթը համարվում է կայացած, եթե առնվազն մեկ մասնակցի հայտը համապատասխանում է հրավերի պահանջներին:

Սույն կետի հետ կապված հաշվի առնելով, որ ծրագրերը կարող են տարբեր լինել և ոլորտում գործող ՀԿ-ների կամ դիմել ցանկացող ՀԿ-ների թիվը սահմանափակ և նման սահմանափակումը արհեստական խոչընդոտ է ստեղծելու ծրագրին դիմելիս: Ուստի առաջարկում ենք այդ կետը հանել:

16. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի արդյունքների հաստատման կարգի 45-րդ հոդվածով սահմանվում է.





- Պետական մարմնի ղեկավարը սույն կարգի 43-րդ կետում նշված որոշումն ստանալու օրվանից 5 աշխատանքային օրվա ընթացքում հաստատում կամ մերժում է այն:

Սույն հոդվածի հետ կապված առաջարկում առաջարկում ենք կատարել հետևյալ լրացումը.

- Պետական մարմնի ղեկավարը սույն կարգի 43-րդ կետում նշված որոշումն ստանալու օրվանից 5 աշխատանքային օրվա ընթացքում հաստատում կամ մերժում է այն: **Մերժման դեպքում ներկայացնում է ամփոփ հիմնավորում, որը կարող է բողոքարկվել:**

17. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի արդյունքների հաստատման կարգի 47-րդ հոդվածով սահմանվում է.

- Կազմակերպությունը պայմանագրի նախագիծն ստանալու օրվանից 5 աշխատանքային օրվա ընթացքում պետական մարմնի աշխատակազմի ղեկավարին է ներկայացնում իր կողմից ստորագրված և կնքված պայմանագրի երկու օրինակը: Աշխատակազմի ղեկավարը կազմակերպության կողմից ստորագրված և կնքված *պայմանագրի* օրինակներն ստանալուց հետո 3 աշխատանքային օրվա ընթացքում ստորագրում ու կնքում է դրանք և մեկ օրինակը նույն օրը վերադարձնում պայմանագրի կողմ հանդիսացող կազմակերպությանը

Սույն հոդվածի մասով, հաշվի առնելով այն հանգամանքը, որ «Իրավաբանական անձանց պետական գրանցման մասին» Հայաստանի Հանրապետության օրենքով ուղղակիորեն նախատեսված չէ իրավաբանական անձի՝ կնիք ունենալու պարտականությունը, առաջարկում ենք վերձևակերպել և *կնքված* եզրույթը հանել: Քանի որ այն ավելորդ դժվարություն է ստեղծում իրավաբանական անձի համար:

Եթե ծրագրին դիմել են մի քանի կազմակերպություններ կոնսորցիում կազմելու միջոցով, արդյոք պայմանագրում անհրաժեշտ է նշել մյու կողմերին նույնպես: Այդ պարագայում տվյալ կետը ավբողջությամբ պետք է վերաձևակերպել ներառելով նման դեպքերուն նաև մյուս կողմերին:

18. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի արդյունքների հաստատման կարգի 48-րդ հոդվածով սահմանվում է.



Հայաստան, ք. Երևան

Դեկտեմբերի 19, 2019թ. NG-02-443-1912

- Պայմանագրում, բացի Հայաստանի Հանրապետության օրենսդրությամբ սահմանված պարտադիր պահանջներից, նշվում են նաև դրամաշնորհի միջոցների հաշվին իրականացվող ծրագրի անվանումը, կցվում է ծրագրի հայտը և բյուջեն՝ որպես պայմանագրի անբաժանելի մաս, ինչպես նաև նշվում են ծրագրի իրականացման համար պատասխանատու ներկայացուցչի տվյալները:

Սույն հոդվածի հետ կապված առաջարկում ենք կատարել հետևյալ լրացումը.

- Պայմանագրում, բացի Հայաստանի Հանրապետության օրենսդրությամբ սահմանված պարտադիր պահանջներից, նշվում են նաև դրամաշնորհի միջոցների հաշվին իրականացվող ծրագրի անվանումը, կցվում է ծրագրի հայտը և բյուջեն՝ որպես պայմանագրի անբաժանելի մաս, ինչպես նաև նշվում են ծրագրի իրականացման համար պատասխանատու ներկայացուցչի տվյալները, **ինչպես նաև լոգոների օգտագործումը և հղումը ֆինանսավորողի մասին:**

**19.** Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի մրցույթի արդյունքների հաստատման կարգի 49-րդ հոդվածով սահմանվում է

- Կազմակերպությունը, որի հետ պետք է կնքվի դրամաշնորհի հատկացման պայմանագիր, կարող է հրաժարվել պայմանագիր կնքելուց՝ դրա մասին պայմանագրի նախագիծն ստանալու օրվանից 5 աշխատանքային օրվա ընթացքում ծանուցելով պետական մարմնի աշխատակազմի ղեկավարին: Նման դեպքում հանձնաժողովը կարող է ընդունել որոշում կարճ ցուցակում հաջորդ դիրքը զբաղեցնող կազմակերպության հետ պայմանագիր կնքելու մասին: Այդ դեպքում պայմանագիր կնքելիս կիրառվում են սույն կարգի 45-րդ և 46-րդ կետերով նախատեսված դրույթները:

Սույն հոդվածի մասով առաջարկում ենք կատարել հետևյալ լրացումը.

- Կազմակերպությունը, որի հետ պետք է կնքվի դրամաշնորհի հատկացման պայմանագիր, կարող է հրաժարվել պայմանագիր կնքելուց՝ դրա մասին պայմանագրի նախագիծն ստանալու օրվանից 5 աշխատանքային օրվա ընթացքում **գրավոր** ծանուցելով պետական մարմնի աշխատակազմի ղեկավարին: ...



**ՆՈՐ ՍԵՐՈՆՆԵՐ**  
**NEW GENERATION**

Հայաստան, ք. Երևան

Դեկտեմբերի 19, 2019թ.

NG-02-443-1912

20. Հայաստանի հանրապետության պետական բյուջեից իրավաբանական անձանց դրամաշնորհների հատկացման կարգի հաշվետվողականության կարգի 52-րդ հոդվածով սահմանվում է

- Կազմակերպությունը պարտավոր է ներկայացնել ծրագրի իրականացման մասին հաշվետվություններ: Եթե ծրագրի տևողությունը 6 ամիս կամ ավելի է, ապա կարող են ներկայացվել միջանկյալ և ավարտական հաշվետվություններ՝ պայմանագրով սահմանված կարգով: Վեց ամսից պակաս տևողությամբ ծրագրերի դեքում ներկայացվում են միայն ավարտական հաշվետվություններ: Հաշվետվությունները ներառում են հետևյալ բաժինները՝

...

Առաջարկում ենք կատարել հետևյալ լրացումը.

- Կատարել լրացում և ավելացնել գ) ենթակետ՝ լուսանկարներ և կամ այլ հավելվածներ:

### Սույնով խնդրում ենք,

Քննարկման առարկա դարձնել «Նոր Սերունդ» Մարդասիրական ՀԿ-ի առաջարկությունները:

Խնդրում ենք «Նոր Սերունդ» Մարդասիրական ՀԿ-ին գրավոր՝ օրենքով սահմանված ժամկետներում տեղեկացնել առաջարկությունների վերաբերյալ սույն գրության ընթացքի մասին:

Հարգանքով՝

ՀԿ նախագահ



Սերգեյ Գաբրիելյան

Կատարող՝ Շուշան Խնկոյան  
+374 60 47 89 89